



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Sacerdotale & Clericorum Specvlvm Insigni Pietatis Ac Devotionis Supellectili exuberans

Kinckius, Matthias

Coloniæ, 1662

De communionem, orationibus post communionem & aliis,

[urn:nbn:de:hbz:466:1-46628](https://nbn-resolving.org/urn:nbn:de:hbz:466:1-46628)

propriam Præfationem, dicitur Præfatio de Octava, quamvis de ea nulla fiat commemoratio in Missa.

4. In Missis Votivis dicitur etiam Præfatio propria, si propriam habeant: si verò non habuerint, dicitur Præfatio de Tempore, vel Octava infra quam contigerit hujusmodi Missas celebrari: alioquin Præfatio communis. Et quando aliqua Missa Votiva pro causa publica solemniter celebratur, dicitur in cantu solenni, ut in Duplicibus. In Missis Defunctorum quocunq; tempore semper dicitur Præfatio communis.

5. Post Præfationem incipitur *Canon Missæ* secreto, in quo servantur omnia ut in Ordine Missæ. Ubi verò infra actionem, *Communicantes*, & *Hanc igitur*, vel alia variari contingit, suo loco in propriis Missis adnotatur.

DE COMMUNIONE, ORATIONIBVS
post Communionem. *Ite Missa est, vel Benedicamus Domino, de Benedictione, & Evangelio S. Ioannis.*

XIII.

1. Expleto Canone, & aliis omnibus
usque

usque ad Communionem, ea peracta dicitur *Communio*, & *Orationes post Communionem* eodem modo & ordine, ut in principio *Missæ*: & repetito: *Dominus vobiscum*, dicitur, *Ite missa est*, vel *Benedicamus Domino*, pro temporis ratione. *Ite Missa est*, dicitur, quando cunque dictum est, *Gloria in excelsis*. Cum non dicitur, ejus loco dicitur *Benedicamus Domino*, & *DEO gratias*. In *Missis Defunctorum* dicitur, *Requiescant in pace*, & *Amen*.

2. Dicto *Placeat*, datur *Benedictio*, quæ à celebrante semper datur in *Missâ*, præterquam in *Missis Defunctorum*. Deinde legitur *Evangelium S. Joannis In principio*, præmisso *Dominus vobiscum*, & *Initium*, ut moris est: quod *Evangelium* nunquam prætermittitur in *Missâ*, nisi quando sit de *Festo* in aliqua *Dominica*, vel *Feria* quæ habet *Evangelium proprium*: quod legitur ejus loco. Excipitur *Dominica quarta Adventus*, cujus *Evangelium* non legitur in fine *Missæ*, quando in ea occurrit *Vigilia Nativitatis Domini*, quia nec in *Officio* lectum est. In *tertia Missâ* de die *Nativitatis Domini* legitur in fine *Evangelium de Epiphania*. *Cum natus esset Iesus*.
Et in

Et in Dominica Palmarum in Missis privatis legitur Evangelium, quod ponitur in benedictione Palmarum, quod etiam lectum est in Officio. In Vigiliis quæ occurrunt in Quadragesima, vel Quatuor temporibus, non legitur Evangelium Vigiliæ in fine Missæ. Et similiter in Missis Votivis nunquam legitur in fine aliud Evangelium, nisi sancti Joannis.

DE ORDINANDA MISSA EX SUPRADICTIS RUBRICIS.

XIV.

I. Supradictis Rubricis cognitis, si quis velit ordinare Missam diei, recurrat ad Ordinarium Missarum de Tempore, vel de Sanctis, secundum qualitatem Officii. Si proprium non habeat, recurrat ad Commune Sanctorum. Si de Feria agendum sit, & propria Missa non fuerit de Feria, dicatur Missa præcedentis Dominicæ, omissis *Gloria in excelsis*, & *Symbolo*, præterquam Tempore Paschali, in quo semper dicitur *Gloria in excelsis*, ut supra, excepta Missa Rogationum:

num: